



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **30-1165-3/21**

Sarajevo, 2.11.2022. godine

Int. br. nabavke: **30-339-8/22**

Na osnovu člana 17. stav (1), člana 18. stav 1. i člana 24. stav (1) tačka a) Zakona o javnim nabavkama BiH (Službeni glasnik BiH, broj: 39/14), člana 12. Pravilnika o javnim nabavkama roba, usluga i radova „Agencije za vodno područje rijeke Save“ Sarajevo i člana 47. Statuta "Agencije za vodno područje rijeke Save" Sarajevo, donosim

POSEBNU ODLUKU

o pokretanju postupka javne nabavke radova – Pregovarački postupak bez objave obavjesti o nabavci

"Dodatni radovi na projektu: Uređenje lijeve obale rijeke Bosne u Ilijašu, dionica uzvodno od izvedenog dijela do mosta za naselje Kadarići u dužini od 160 metara"

Član 1.

Pokreće se postupak javne nabavke **pregovaračkim postupkom bez objave obavještenja o nabavci** za nabavku radova čiji je predmet **Dodatni radovi na projektu: Uređenje lijeve obale rijeke Bosne u Ilijašu, dionica uzvodno od izvedenog dijela do mosta za naselje Kadarići u dužini od 160 metara.**

Član 2.

Predmetna nabavka nije predviđena u Planu nabavki "Agencije za vodno područje rijeke Save" Sarajevo za 2022. godinu, te će se ista evindetirati u Plan nabavki prilikom prve naredne Izmjene i dopune Plana nabavki.

Član 3.

Procjenjena vrijednost javne nabavke iznosi 20.000,00 KM (slovima: dvadesethiljada konvertibilnih maraka) bez PDV-a.

Za nabavku usluga iz člana 1. ove Odluke predviđena su sredstva u sklopu Plana i Finansijskog plana Agencije za 2022. godinu, ekonomski kod 61481922212, stavka Plana B.2.2.12..

Član 4.

Poziv za dostavljanje zahtjeva za učešće u postupku iz člana 1. Ove Odluke uputiti ponuđaču .

Član 5.

- Ova odluka stupa na snagu danom donošenja.

Obrazloženje

"Agencija za vodno područje rijeke Save" Sarajevo već dugi niz godina učestvuje u realizaciji projekta uređenja korita i obala rijeke Bosne u Ilijašu. Radovi koji su predmet ove informacije se izvode prema revidovanom Glavnom projektu Uređenje korita rijeke Bosne u Ilijašu, dionica od restorana Dijana do mosta za Kadariće, dužine cca 250 m urađenom od strane firme IBIS d.o.o. Zavidovići, septembra 2018. godine kao i dopune istog projekta iz decembra 2021. godine. Ugovor za vršenje usluga izrade projektne dokumentacije je dobiven putem otvorenog postupka javne nabavke, i zvršena je i njegova revizija. Radove izvodi firma „TERMOBETON“ d.o.o. Breza po ugovoru broj: 30-545-19/22 od 04.07.2022.godine. Ukupna vrijednost radova po osnovnom ugovoru je 230.473,62 KM sa PDV-om.

Ovi radovi su nastavak uređenja korita rijeke Bosne u Ilijašu na potezu od ušća Gnionice u Bosnu do mosta u Kadarićima ukupne dužine 750 metara na kojem se u prethodnom periodu od 2018. godine do danas izvelo u više faza ukupno 500 m zaštite desne obale i 590 metara zaštite lijeve obale rijeke Bosne na ovom području. Aktuelni radovima će se završiti svi potrebni radovi na lijevoj obali rijeke Bosne, a za naredni period ostaje zaštita desne obale na preostalih 250 m na ovom potezu.

Obzirom da su radovi na aktuelnoj ugovorenoj dionici u završnoj fazi, nadzorni organ je izvršio detaljan pregled revidovane investiciono-tehničke dokumentacije koji je upoređen sa stanjem na terenu i utvrđena su odstupanja projektovanih količina u odnosu na količine koje je potrebno izvesti. Na osnovu izražene potrebe stabilizacije dna korita rijeke Bosne na ovom lokalitetu nadzorni organ predlaže da se obavezno izvedu dodatna tri stabilizaciona praga od lomljenog kamena. Ti stabilizacioni pragovi su predviđeni u grafičkom dijelu projekta, ali nisu predviđeni predmjerom radova. Pozicije ovih pragova su stacionažama 0+127,50; 0+156,28 i 0+181,28. Prema opisu postojeće pozicije iz osnovnog ugovora, ovi radovi se izvode od kamenog nabačaja u projektovanim dimenzijama srednje krupnoće $d_{sr} = 70$ cm. Kvalitet i način ugradnje je dat u tehničkim uslovima izvođenja radova i prema nacrtima iz projekta. Prema ugovorenoj jediničnoj cijeni ove pozicije radova od 41 KM/m³ ugrađenog kamena za izvođenje ovih radova potrebno je obezbjediti cca 23.000 KM sa PDV-om.

Nadzorni organ IPSA Institut je svojim dopisom bb od 18.10.2021. upozorio na hitnost rješavanja ovih problema i dao procjenu potrebnih sredstava za ove intervencije u prostoru za okončanje svih potrebnih radova na ovom projektu. Navedeni izvještaj dostavljam u prilogu ovog prijedloga. S obzirom da se radi o dodatnim radovima i aktivnostima koje se u trenutku zaključivanja ugovora nisu mogle predvidjeti, isti nisu uključeni u prvobitno razmatrani projekat. Takođe traženi radovi se zbog svoje prirode ne mogu tehnički ili ekonomski odvojiti od glavnog ugovora bez većih nepogodnosti za ugovorni organ, a ukupna vrijednost dodatnih radova je oko 10 % od ugovornih radova.


U cilju dosljedne primjene osnovnih principa javnih nabavki, za navedene radove sa aktuelnim izvođačem će se provesti pregovarački postupak bez objave obavještenja za dodjelu ugovora za naknadne i nepredviđene radove kako bi se završili svi neophodni radovi na okončanju ovog projekta. Potrebni uslovi za to su kumulativno ispunjeni, a to su:

- Riječ je o dodatnim radovima koji nisu uključeni u prvobitno razmatrani ugovor, ali su usljed nepredviđenih okolnosti neophodni za izvršenje zajedno sa ugovorenim radovima
- Navedeni radovi se ne mogu tehnički ili ekonomski odvojiti od osnovnog ugovora bez većih nepogodnosti za ugovorni organ

- Ugovor za predmetne dodatne radove se zaključuje sa dobavljačem kome je dodjeljen osnovni ugovor
- Ukupna vrijednost dodatnih radova ne prelazi 20 % od osnovnog ugovora

Dostaviti:

- ☒ Sektor za ekonomske, pravne i opšte poslove
- Sektor za realizaciju projekata
- a/a

DIREKTOR

Sejad Delic, dipl.inž.